

Årsmelding for 2014

og

styret si melding

Selskapet si verksemd

Haugaland Kontrollutvalgssekretariat IKS utfører sekretariatfunksjonen for kontrollutvala i dei ti deltakarkommunane: Bokn, Etne, Haugesund, Karmøy, Sauda, Suldal, Sveio, Tysvær, Utsira og Vindafjord. Pr 01.01.14 hadde kommunane totalt 116.507 innbyggjarar (ei auka med 1.403 innb. frå året før) Hovudkontoret ligg i Aksdal, Tysvær rådhus, men deler av verksemda, som møta i kontrollutvala, blir gjennomført ute i kommunane.

Selskapet har i 2014 utført sekretariatsteneste som omfattar oppgåver som saksutgreiing, protokollføring og iverksetjing av vedtak i kontrollutvala. Sekretariatet har gjennomført totalt 51 (51) kontrollutvalsmøte og saksførebudd 286 (268) saker. Av desse har 65 (64) saker gått vidare til kommunestyra (frå 5 til 11 saker i dei enkelte kommunane).

I selskapet er det halde fire styremøte og eit representantskapsmøte. På personellsida har det vore inga endring. Selskapet har i 2014 fått på plass styreinstruks, etiske retningsliner og vedteke ein overordna strategiplan for åra 2014-2018.

Framhald av drift

Verksemda er basert på eit gjensidig samarbeid med og mellom eigarane om sekretariatfunksjonen for kontrollutvala gjennom avtale inngått i 2004 med deltakarkommunane. Det er inga indikasjonar på lovendringar som skulle seie at grunnlaget for selskapet skal falle bort, men kommande kommunereform vil kunne få verknad for drifta og talet på deltakarkommunar. Med dette som utgangspunkt meiner styret at vilkåra for framhald av drift av selskapet er til stades.

Resultat og utvikling

Selskapet skal i tråd med selskapsavtalen drivast i balanse slik at inntektene frå kommunane dekkjar kostnadene. Rekneskapan for 2014 viser ein omsetnad på kr 1.722.000. I 2014 har drifta resultert i eit driftsoverskot på kr 56 416 og eit **positivt årsresultat på kr 62 578**. Lønnskostnadene ligg innafor det som var budsjettert, medan driftskostnadene blei noko lågare enn budsjettert. Sekretariatet utførar rekneskapsføring og lønnskjøring sjølv.

Styret gjer framlegg at overskotet vert ført som fond i eigenkapital. IKSet er eit lite selskap og er sårbar for endringar i rammevilkår, arbeidsstokk, og det er såleis viktig å kunne ha reserver tilgjengeleg. Ved å kunne setje av midlar til fond vil selskapet bli meir robust i sin daglege drift, samtidig som selskapet er meir likvid.

Selskapet har i 2014 ikkje delteke i eller gjennomført forskings- og utviklingsprosjekt.

Arbeidsmiljø

Selskapet har eit godt arbeidsmiljø. Det har nesten ikkje vore sjukefråver i 2014 (0,4 %). Det har ikkje vore nokon skadar eller ulykker. Selskapet har drøfta forhold knytte til helse, miljø og tryggleik. Selskapet har samarbeidsavtale med NAV om inkluderande arbeidsliv.

Styret har ein positiv haldning til kompetanseoppbygging i selskapet. Dette er viktig for å halde på dyktige medarbeidarar og har samtidig positive verknader for arbeidsmiljøet. Sekretariatet har i 2014 delteke på konferanse i regi av NKRF på Gardermoen og Forum for kontroll og tilsyn i Haugesund, samling for sekretariata på Vestlandet og i Trøndelag i Stavanger og nettverksmøte med Rogaland- og Agdersekretariatet på Rennesøy.

Likestilling

Selskapet har to tilsette, ei kvinne og ein mann. Styret i selskapet er samansett av to menn og ei kvinne. Det er ikkje sett i verk spesielle likestillingstiltak. Selskapet legg vekt på likebehandling mellom kjønna i sin verksemd og styret meiner denne målsettinga er oppfylt.

Ytre miljø

Selskapet driv ikkje verksemd som påverkar det ytre miljø nemneverdig utover reiseaktivitet knytte til arbeidet i eigarkommunane. Selskapet sitt hovudkontor er lagt til Aksdal i Tysvær kommune som geografisk ligg omlag midt i selskapet sitt virkeområde.

Aksdal, 03.02.15



Arne Gjerde
Styreleiar



Torleif Lothe
nestleiar



Norunn Byrknes
styremedlem



Toril Halsjø
dagleg leiar